

per le maistranze di l' Arsenal et altri che veneno fu studato a terza ; *tamen* tutte le caxe bruxoe, et per una caxa alta il muro l' à verentà.

Da Udene, fo lettere di sier Zuan Mqro locotenente, di primo. Manda lettere di Venzon, di ultimo, del zonzer li il nunzio del Pontefice stato in Hongaria, chiamato el Baron, il qual torna et va a Roma, et scrive quanto riporta, *ut in litteris.*

8* Da poi disnar fo Conseio di X per compir di far li so' officii.

Di campo, di Cremona, fo lettere del provedador zeneral Pexaro, di primo, hore 4. Come *tandem* li lanzinech numero 2000 erano reduti sopra una piazza in ordine per ussir fuora, et anderano a la via di Brexa per passar in Alemagna, et spagnoli fin do zorni enseriano per andar in reame. Scrive haver messo fanti nostri a le porte et a la piazza, et saria di opinion tenir 400 di detti lanzinech, perchè sono bona zente. Et il signor Capitano zeneral non è ancora tornato di Castel Zufre, dove andò a veder soa moier. Scrive, si mandi danari da pagar le zente, *aliter* non si moverano, et bisogna expedir fanti 2000 per campo sotto Milan richiesti dal clarissimo Pixani ; et altre particolarità.

Di Crema, del podestà et capitano sier Piero Boldà, di primo, hore 2. Come di Cremona ha, nostri doveano hozi intrar dentro. Del campo di Milan il reverendo episcopo di Lodi mi scrive che li nostri feceno dar a l' arme per veder le fantarie, et scrive che li sguizari, che doveano esser più di 10 milia, non passano 5000, et di questi disordini è causa il Vizardini locotenente pontificio, qual vol levar 2000 di ditti sguizari per Roma et non è ben a levarli, *adeo* volendo far arsalto a Milan non saria 2000 sguizari in campo. Scrive, lui Podestà haver visitato hozi il signor duca di Milan, el qual li disse : « Che vi par di questo moto del Papa ? » Lui Podestà li rispose, teniva il Papa haver fatto violentemente. El Duca disse : « Lo credo, ma questo levar di le zente è un gran favor et reputazion a li inimici et disfavor a le cose nostre. Il re Christianissimo non è per mancar, perchè non ha manco interesse di quello ha la Illustrissima Signoria, et quello l' ha fatto a beneficio mio la ringratio, et *maxime* a la impresa di Cremona, di la qual quella si acomodi. » Et disse lo acomodar al partir di quelle zente erano in Cremona, et causa la impresa di Milan si tarda, *tamen* il signor Capitano zeneral è savio, quella Illustrissima Signoria è patrona del stato di Ada di qua et di là di Po ; conclude è ben edificato di la Signoria nostra.

In questo zorno, poi disnar, introe sier Thomà Contarini, rimasto savio a terra ferma.

Fono electi cassier per 4 mexi sier Giacomo Corner sopra la Zeca, sier Daniel Renier sora l' Arsenal, sier Hironimo da chà da Pexaro sora la cassa del Conseio di X, sier Andrea da Molin et sier Hironimo Grimani, nè altro fu fatto.

A dì 4, fo San Francesco. La matina in Collegio vene uno vien di Hongaria, domino Zuan Starrio preposito di Buda vechia, di nation tragurin, el qual vien di Hongaria, parti

Vene il Legato del Papa et have audientia con li Cai di X.

Vene lo episcopo di Baius, et *etiam* have audientia con li Cai di X.

Di campo di Lambrà, del procurator Pixani, di primo, hore 5. Come era partita del campo la compagnia del marchexe di Mantoa che era a soldo del Papa, *videlicet* lanze et cavalli lizieri et 1000 sguizari, i q al vanno a passar Po a Piasenza.

Da poi disnar fo Gran Conseio, et fu il Sere- 101) nissimo et alquanti più del solito : eramo zerca 950, perchè si fa del Conseio di X et di la Zonta, et *tamen* fu fatto del Conseio di X per scurtinio, atento che i Consieri, vista la leze che vuol si fazi del Conseio di X per danari et scurtinio et non dice altro, et disseno se intendeva farsi *etiam* questi per scurtinio, et *tamen* tolti 18, niun passoe in scurtinio.

142. Podestà a Padoa per scurtinio.

† Sier Mafio Michiel fo di Pregadi, qu. sier Nicolò dotor, cavalier, procurator, ducati 1500	120. 22
Sier Christofal da Canal fo di la Zonta, qu. sier Zuane, duc. 1000	18.131

Rector a Schiati Scopuli.

† Sier Anzolo Alberto, qu. sier Giacomo, di sier Marin, ducati 100	86. 59
Sier Gasparo Moro fo V di la Paxe, di sier Alvixe, ducati 200	62. 89
Sier Zuan Domenego Baxeio, di sier Francesco, ducati 150	39.104
Sier Nicolò Querini fo vice rector a	

(1) La carta 9* è bianca.